



Broj: 04-04-4-933/21

Sarajevo, 5. 4. 2021. godine

**SAOPĆENJE ZA JAVNOST O OBJAVLJENOM IZVJEŠTAJU REVIZIJE UČINKA
„PRAĆENJE REALIZACIJE PREPORUKA IZ IZVJEŠTAJA REVIZIJE UČINKA
EFIKASNOST UPRAVLJANJA GUBICIMA VODE U VODOVODNIM PREDUZEĆIMA”**

Ured za reviziju institucija u Federaciji Bosne i Hercegovine proveo je praćenje realizacije preporuka iz Izvještaja revizije učinka „**Efikasnost upravljanja gubicima vode u vodovodnim preduzećima**“ objavljenog 2018. godine, u kojem su date četiri preporuke vodovodnim preduzećima i tri njihovim osnivačima.

Cilj ove revizije bio je ispitati preduzete aktivnosti na osnovu Izvještaja revizije učinka, te procijeniti u kojoj mjeri su realizovane preporuke.

Utvrđeno je da date preporuke još uvijek nisu u potpunosti realizovane. Od dvadeset subjekata kojima su upućene (10 vodovodnih preduzeća i 10 osnivača), **samo četiri subjekta realizovala su sve preporuke iz svoje nadležnosti, dok je najveći broj preduzeo početne ili djelimične aktivnosti na realizaciji preporuka.**

Problemi identifikovani u Izvještaju revizije učinka iz 2018. godine još uvijek nisu riješeni, na šta ukazuju **izuzetno veliki gubici vode u gotovo svim preduzećima iz uzorka.** Od sedam preduzeća koja su dostavila detaljne podatke o gubicima vode, **četiri i dalje imaju gubitke vode veće od 40%, dok su iskazani gubici u jednom vodovodnom preduzeću veći i od 70%.**

Značajan broj vodovodnih preduzeća i dalje nije osigurao precizno evidentiranje i praćenje gubitaka vode, što predstavlja osnovni preduslov za sistemsko rješavanje ovog dugogodišnjeg problema. Izostalo je redovno održavanje vodovodne infrastrukture, te planiranje i realizacija konkretnih mjera na smanjenju gubitaka vode. Stoga bi osnivači vodovodnih preduzeća trebali osigurati značajniji nadzor i kontrolu nad aktivnostima vodovodnih preduzeća, a sve u svrhu odgovornijeg upravljanja vodovodnom mrežom.

Uvažavajući činjenicu da je predmetna oblast od općeg značaja za cjelokupnu društvenu zajednicu, Ured za reviziju cijeni da je neophodno preduzeti dodatne aktivnosti s ciljem realizacije datih preporuka. Efikasnim upravljanjem gubicima vode mogu sa sačuvati vodni resursi i ostvariti velike uštede novčanih sredstava.

Kompletan izvještaj revizije učinka dostupan je na internet-stranici Ureda za reviziju: www.vrifbih.ba.

GENERALNI REVIZOR

Dževad Nekić

